

**Nunatta Danmarkillu akornnganni oqaluttuarisaanerisa
qulaajarneqarnissaanut ilisimatusartoqatigiit aqutsisussaannik
siunnersuuteqarnissamut kajumissaarut (KILLIGITITAQ 01.10.2023 nal. 16.00
kalaallit nalunaaqutaat malillugu / qallunaat nunaanni nal. 20.00.)**

*OBS: Tallimannorgorpeq 15. september 2023 nutarterneqarpoq. Piukkunneqartut
marluk ataatsikkut ilisimatusarnermik aqutsisoqatigiittussanngorlugit
innersuunneqarsinnaapput.*

7. juli 2023

Nunatta Danmarkillu naalakkersuisuisa ulloq 9. juuni 2022 ataatsimoorlutik
aalajangiuppaat sorsunnersuaq kingullerminngarnik maannamut Kalaallit Nunatta
Danmarkillu akornnganni oqaluttuarisaanermi pissutsit tamarmik ingerlasimanerat
qulaajarneqassasoq.

**Nunatsinni Ilisimatusarnermik
Siunnersuisoqatigiit**

www.nis.gl
Kivioq 5
3900 Nuuk
Tel (+299) 361200
nis@nanoq.gl

Ilisimatusarluni suliniummut najoqqutassat Nunatta Danmarkillu
oqaluttuarisaanerata qulaajarneqarnissaanut suliaakkiutip
oqaasertalersorneqarnera Naalakkersuisut Danmarkimilu naalakkersuisut ulloq
22. juni 2023 isumaqatigiissutigaa.

**Uddannelses- og
Forskningsstyrelsen**
FRISK

Asylgade 7
5000 Odense C

www.ufm.dk

Nunatsinni Ilisimatusarnermik Siunnersuisoqatigiit aammalu Danmarks Frie
Forskningsfond peqatigiillutik suliaakkerneqarput, Nunatta Danmarkillu akornnganni
oqaluttuarisaanerup qulaajarneqarnissaanut ilisimatusartoqatigiinnut
aqutsisussatut piukkunnaateqarsinnaasunik Ilinniartitaanermut, Kultureqarnermut,
Timersornermut Ilageeqarnermullu Naalakkersuisumut aammalu
ilinniartitaanermut ilisimatusarnermullu ministerimut innersusseqqullugit.

CVR-nr. 3404 2012

Asylgade 7
5000 Odense C

Tamanut ammasumik una saqqummiunneqarpoq – kikkulluunniit
periarfissinniarlugit, kattuffiit pisortanik inunnilluunniit ataasiakkaanik
ingerlanneqartut periarfissinniarlugit – piukkussaminnik ataatsimik arlalinnilluunniit
siunnersuuteqaqqullugit, inuilluunniit ataasiakkaat imminnut piukkullutik
nalunaaruteqarnissaanut kajumissaarneqarput. Ilisimatusartoqatigiinnut
aqutsisusussaq Ilinniartitaanermut, Kultureqarnermut, Timersornermut
Ilageeqarnermut Naalakkersuisumit aammalu Danmarkimi Ilinniartitaanermut
ilisimatusarnermullu ministerimit toqqarneqartussaavoq.

Nunatta Danmarkillu oqaluttuarisaaneranut qulaajaanermut tunngatillugu
ilisimatusarluni suliaakkiussap oqaasertalersorneqarnerata najoqqutassartai
kakkiussami atuarneqarsinnaapput.

Danmarkip aningaasat katillugit 45 mio.kr. Nunatta Danmarkillu
oqaluttuarisaanerata qulaajarneqarnissaanut aningaasaliissutigissagai nunat
pineqartut akornnganni isumaqatigiissutigineqarpoq. Aningaasat
immikkoortinneqartut Namminersornerullutik Oqartussanut tunniunneqarput,
oqaluttuarisaanerup qulaajaaffigineqarnissaanut atorneqartussanngorlugit,
suliassarlu Nunatta Ilisimatusarfianut atassuserneqartussaavoq.

Suliakkiussap imarisaani ersippoq, qulaajaaneq – ajornanngippat - ukiut tallimat qaangiutinnagit naammassiniarneqassasoq. Ilisimatusartoqatigiit aqutsisuata Ilisimatusarfiullu tamakkiisumik qulaajaasimanerat Naalakkersuisunut Danmarkillu naalakkersuisuinut tunniussisoqassaaq kingusinnerpaamik ukiut tallimat qaangiuppata.

Ilisimatusartoqatigiit aqutsisuata piginnaasassai

Ilisimatusartoqatigiinnut aqutsisussamik toqqaaniarnermi makkua pingaartinneqarlutik piumasaqaatigineqarput:

- Lektoritut imaluuniit seniorforskeritut piginnaaneqarnissaq
- Nunatta Danmarkillu attavigiinnerisa oqaluttuassartaanik inuiaqatigiivinullu tunngasunik ilisimasaqarneq,
- Oqaluttuarisaaneq pillugu ilisimatusarnermut suliniutinillu ingerlatsinermut aqutsinermik misilittagaqarneq assigiinngitsuneersunillu inissaqartitsinnaassuseqarnissaq aammalu,
- Inuiaqatigiinnut tamanut paasissutissiinermik misilittagaqarneq.

OBS: Ilisimatusarnermi aqutsisussatut inuit piukkussat annerpaamik marluusut ataatsikkut aqutsisussanngortillugit siunnersuutigineqarsinnaapput. Piukkussat marluusut innersuunneqarnertik paasisimassavaat, tassani aappaqarluni aqut-seqataasussatut ilaassalluni. Piumasaqaatit ataani allassimasut piukkussanut tamanut atuupput.

Ilisimatusartoqatigiit aqutsisuata immikkut suliamut tunngatillugu ilisimasalinnik peqatigiissitassaminik toqqaatussaavoq. Toqqartuinermini Kalaallit Nunaata Danmarkillu peqatigiillilutik oqaluttuarisaaneritut, inuiaqatigiinni atukkanut, ilisimatusarnerlu pillugu paasissutissiinermik ilisimasaqarneq kiisalu ilisimatusarnermik suliaqartut Kalaallit Nunaanneersut Danmarkimeersullu peqataatinneqartussaasut isumagineqartussaavoq. Suliniummut peqataasut ilaat kalaallisut ilaallu qallunaatut oqalussinnaassapput.

Ilisimatusartoqatigiinni aqutsisoq suleqatigittussat peqatigalugit suliniummut ataatsimoorussamik pilersaarusiortussaavoq, ilisimatusarnermut tapiissutit qanoq atorineqarnissaat aallaavigalugit. Suliniummut pilersaarusiaq ilaatigut makkuninnga imaqassaaq, suliaasap ingerlanissaa piffissalersorneqartussaavoq, missingersuusiortoqarluni kiisalu pingaarnertut anguniagassat immikkoortiterlugit nalunaarsorneqarlutik aammalu peqataatitsinermut – paasissutissiinissamullu pilersaarusiortoqarluni.

Aaqqissuussaanermut aammalu atorfeqarnermi atugassarititaasut, soorlu akissarsiaasat aammalu inissaq pillugit ilisimatusartoqatigiit aqutsisuata Ilisimatusarfiullu akornnganni isumaqatigiissutigineqassapput.

*Suliniutip imarisaata allattorsimanera qinnuteqartussap qinnuteqartigani
atuarsimassavaa. Aammattaaq piukkunneqartup innersuunneqarnissani
akuersissutigeqqaarsimasussaavaa soqutiginninninilu uppersarsimassallugu.*

Oqaluttuarisaanermi qulaajaaneg

Kalaallit Nunaata Danmarkillu akornganni oqaluttuarisaanermi pisimasut
qulaajarneqarnissaata najoqqutassaa tamakkiisoq ilanngussami
nassuiarneqarpoq.

Tassani ersersinneqarpoq Kalaallit Nunaata Danmarkillu akornanni
oqaluttuarisaanermi pisimasut qulaajarneqarnerisigut ataatsimoorussamik
qulaajaaneg kingunerisaanik oqaluttuarisaaneg paasisaqarfigilluarnissaa,
aalajangiunneqarsimasullu kingunerinik iliuuserineqarsimasut
sunniutigisimasaasalu qulaarneqarnissaat, pisimasullu saqqummiussorneqartut
saammaasseqatigiinnissamut aqqutissiuussinissaat anguniarneqartoq.

Imarisaani aamma nassuiaatigineqarpoq suliaq aqqissorneqassasoq Kalaallit
Nunaanni Danmarkimilu innuttaasut akuliutsinneqartassallutik misissuinerup
ingerlanneqarnera tamakkerlugu, qulaajakallu imarisai ima
aqqissorneqassapput, qulaajaaneg allat ingerlanneqarsimasut,
paasineqarsimasut aammalu Kalaallit Nunaata Danmarkillu akornganni
oqaluttuarisaanermut tunngasunik ilisimatusaataasarsimasut
ilanngussorneqassallutik.

Suliakkiussaq naapertorlugu immikkoortortaqaarfittut ittumik pilersitsisoqassaaq
Ilinniartitaanermut, Kultureqarnermut, Timersornermut Ilageeqarnermullu
Naalakkersuisoqarfimmit aammalu Danmarkimi Ilinniartitaanermut
Ilisimatusarnermullu ministereqarfimmit aqunneqartumik. Ilisimatusarnermut
Aqutsisup suliakkiussaq pilersaarutaa suunersoq immikkoortortaqaarfimmut
tassunga saqqummiutissavaa. Ilisimatusarnermut aqutsisut minnerpaamik
qaammatit arfinilikkaarlugit immikkoortortaqaarfimmiittunut
ilisimatitsissutigisassavaa qulaajaanermi ingerlatat angusallu suuneri, suliniutillu
pilersaarutaa malillugu misissingersuutillu malillugit killiffiussiortassalluni.
Immikkoortortaqaarfimmiittut ilisimatusarnermut aqutsisoq suliamillu ingerlatsisut
ikiortassavaat paasisat taakkununga piukkunnaatillit saqqummiussortarlugit,
toqqorsivinnut isersinnaatitaanissaannut allatigullu takkussuuttutigit
ikiisassallutik.

Naligiisitaaneq

Nunatsinni Ilisimatusarnermik Siunnersuisoqatigiit aammalu Danmarkip Frie
Forskningsfondianit piumasaqaatigissavarput, ilisimatusartoqatigiit
aqutsisussaattut piukkussanik nassiussisoqarnerani arnanik angutinillu
siunnersuuteqartoqartassasoq.

**Ilisimatusartoqatigiit aqutsisussaannik siunnersuuteqarnissamut
nassiussinissaq**

Ilisimatusartoqatigiinnut aqutsisussatut piukkussamik siunnersuuteqarnissamut killiussaavoq sapaat 1. oktobari 2023 nal. 16.00 kalaallit nalunaaqutaat malillugu/qallunaat nunaanni nal. 20.00.

Siunnersuut elektroniskiusumik nassiunneqassaaq makkuninnga imaqaassalluni:

- Qinnuteqartup CV-ia aammalu saqqummersitsinermi nalunaarsuiffik (ataatungaani taakkartorneqartutuulli atserneqassaaq pdf-fil-i)
- Qinnuteqaateqartup atorfimmut qinnuteqaataa, (ataatungaani taakkartorneqartutuulli pdf-fil-i atserneqassaaq)
- Inummut tunngatillugu paasissutissat atorneqarsinnaaneri pillugit piukkunneqartumit akuersissut (pdf-fili; ataani allassimasutut atserneqartoq)
- Kattuffimmit oqaaseqaat suliap ingerlanerani pineqartup sumi atorfeqarnissaanut tunngasoq (pdf-fil'i ataaniittutulli taaguusigaq)

Ilisimatusarnermut aqutsisussatut marluk qinigassanngortittut innersuunneqassagaluarpata piukkussanut marluusunut qulaani allassimasut ilanngullugit nassiunneqassapput. Piukkunneqartut ataaniittoq SurveyXact linki aqqutigalugu ataasiakkaarlugit innersuunneqassapput. Innersuussutit allaffissartaanni allanneqassaaq ataatsikkut innersuussinermut attuumassuteqartoq, piukkussallu tamarmik atii allaffissami ersissapput.

Ilisimatusarnermut aqutsisussatut piukkussatut siunnersuutip nassiunneqarnerani makkua ilanngunneqassapput: Qinnuteqaateqartup aqqi, CV-mi aamma allassimasussat (eqqortumik æ, ø aammalu å atorlugit), ukioq inunngorfik, ilisimatusarfimmi ilinniakkap qaffasissusaa, e-mailadressia, atorfia, taaguutaalu (qinnuteqaateqartoq aperineqassaaq qanoq taaguuteqarusunnersoq) atorfiup sumiiffia.

Tamatumuunulu qulakkeerneqarsimassaaq suliakkiussap oqaasertalersorneqarsimanera qinnuteqartumit atuarneqarsimanissaa.

Elektroniskiusumik siunnersuummut nassiusuffissaq linkeq: [Link til SurveyXact](#)
Siunnersuut kalaallisut, qallunaatut imaluunniit tuluttut allaanneqarsinnaavoq.

CV aammalu saqqummersitsisimanermut nalunaarsuiffik

CV aammalu publikationslisti kalaallisut, qallunaatut tuluttulluunniit allanneqarsinnaavoq.

CV (annerpaamik qupp. marluk) pineqartup suliffiata adressia eqqortoq, ilinniakkamut, suliffimmut, suliniutinut aqutsisuunermut misilittakkat paasissutissiinerillu, nersornaaserneqarnerit, ilinniagartuutut angusat, ilisimatusarnermut tunngatillugu pingaarnertut suliat ilitersuutillu. *CV-imi inunnut ataasiakkaanut paasissutissanik tunngasunik peqassanngilaq/paasissutissat allanut ingerlateqqeqqusaanngitsut (ass. CPR-nummer) sulinngikkallarnerit, qitornartaarsimallunili sulinngiffeqarsimagaanni aammalu meeravissiartaanermut atatillugu sulinngiffeqarnerit itisiliinertaqanngitsumik nalunaarutigineqassapput.*

Saqqummersitsisimanermut nalunaarsuiffik ersarissumik ilisimatusarnermut

suliniuummut naleqqiussanik ukiuni qulini kingullerni saqqummersitsisimanerni nalunaarsorneqassapput, aammalu ajornanngippat peer-reviewed-inut immikkoortitserisimanissaat kiisalu ilisimatusarnermut ilanngutassiaasimasut saqqummersinneqarsimasullu tamarmik allatorneqarsimassapput.

Pdf-fil'eq CV-talik aammalu saqqummersitsisimanermut nalunaarsuiffik atserneqassaaq 'CV-piukkussap aqqa tamakkiisoq.pdf'.

*Inummut tunngatillugu paasissutissat atorneqarsinnaaneri pillugit
piukkunneqartumit akuersissut*

["Kalaallit Nunaata aamma Danmarkip akornanni oqaluttuarisaanikkut qulaajaasoqarnissaanut" ilisimatuut pisortaatut atorfimmud piukkunneqartut akuersissuteqarnissaannut immersugassaq](#) (Filip atia:

Piukkussamut tunngatillugu inuttut paasissutissat) piukkussamit atsiorneqassaaq, ullulernerqarluni skannerneqarlunilu. Pdf-fili atserneqassaaq 'Akuersissut - piukkussap atii tamarmik.pdf'. Immersugassaq qaaqqusissummut ilanngullugu nassiinneqarpoq. Akuersilluni atsiugassami suna pillugu atsiorniarneqarnersoq takuneqarsinnaassaaq.

Piukkussamut tunngatillugu inuttut paasissutissat atorneqarsinnaaneri akuerineqanngippata piukkussaq atorfinissinnaanaviangilaq.

Qinnuteqartup qinnuteqaataa

Qinnuteqartup nammineerluni qinnuteqaataa siunnersuummut ilanngunneqassaaq makkuninngalu imaqaassaaq:

1. Qinnuteqaateqartup ilisimatusarnera ilisimatusarfigisaalu. Ilisimatusarnerup suliamut sumut tunngatillugu pingaarnertut ingerlanneqarnerata naatsumik nassuiarneqarnera (naqinnerit 1000it oqaatsit akunneri ilanngullugit)
2. Qinnuteqaateqartup Suliakkiussap sammisaanut immikkut ittumik ilisimatusarnermigut ilanngussiffigisinnaaneranut kiisalu ilisimatusarnerata suminngaanneeranerani nassuiaat (naqinnerit 2000it oqaatsit akunneri ilanngullugit)
3. Qinnuteqaateqartup ilisimatusarnerup iluani aqutsisutut piginnaasai, tamassuma saniatigut ilisimatusartut eqimattanik pilersitsineq ineriartortitsinerlu kiisalu ilisimatusarnerup iluani sammisanut aaqqiussuussanullu tunngatillugu aqutsisuusarnera (naqinnerit 1000it oqaatsit akunneri ilanngullugit)
4. Qinnuteqaateqartup nunat tamalaat akornganni imaluunniit nunani ilisimatusarnerup iluani suliakkiussanik, ataatsimiitsitaliani, isumalioqatigiissitani imaluunniit assigisaani peqataasimanerminut misilittagaani nassuiaat (naqinnerit 1000it oqaatsit akunneri ilanngullugit)
5. Qinnuteqaateqartup ilisimatitsisanerminut tunngatillugu piginnaasai, tamassumalu saniatigut politikkerinut soqutiginnittunullu assigiinngitsunut ilisimatitsinerminut misilittagaani nassuiaat. Aammattaaq nassuiaammi ersittariaqarpoq, ilisimatooq innuttaasunut tunngatillugu akuliutsitsinerminut misilittagaqaruni aammalu allatut soqutiginninnerminik

akulerussimanerminik ilisimatusarnerminut tunngatillugu kiisalu
tamassuma annertussusaa (naqinnerit 1000it oqaatsit akunneri
ilanngullugit)

Qinnuteqaat kalaallisut, qallunaatut tuluttulluunniit allanneqarsinnaavoq.
Qinnuteqaat pdf-filitut ima atsiorneqasimassaaq 'X-piukkussap aqqa
tamakkiisoq.pdf'.

Atorfeqarfigisap oqaaseqaataa

Suliffeqarfimmit piukkussaasup atorfeqarfianinngaanniit atsiorlugu
erseqqissaatigineqartussaavoq piukkunneqartup qinnuteqarnermi nalaani
suliarineqartussallu nalaani sumi atorfeqavissuunera, tassa qinnuteqartoq
atorfeqartillugu sulisorineqarsimappat. Qinnuteqartorli atorfeqartitarinngikkaanni
erseqqissaataasumik nassiussisoqassanngilaq.

Oqaaseqaat pdf-filitut nassiunneqassaaq ima atserlugu 'Oqaaseqaat – piukkussap
aqqa tamakkiisoq.pdf'.

Suliap ingerlaqqinnissaa

Nunatsinni Ilisimatusarnermik Siunnersuisoqatigiit Danmarks Frie
Forskningsfondillu siulersuisuisa peqatigiillutik qinnuteqartut ilisimatusartoqatigiit
aqutsisussaattut piukkussaasut akornanni atorfimmut piukkunnaatillit ikinnerumaat
toqassavaat.

Nunatsinni Ilisimatusarnermik Siunnersuisoqatigiit Danmarks Frie
Forskningsfondillu qinnuteqaateqartut toqqarneqartut nassiussaasa
avataaneersunit nalilersorneqarnissaanik pisariaqartitsigunik
taamaalorsinnaapput.

Piukkunnaatilinnik peqatigiilluni siunnersuutigineqarnerup saniatigut qinnuteqartut
tamaasa saqqummiunneqarumaarput Ilinniartitaanermut, Kultureqarnermut,
Timersornermut Ilageeqarnermullu Naalakkersuisumut aammalu Danmarkimi
ilinniartitaanermut ilisimatusarnermullu ministerimut, taakkualu ilisimatusarnermut
aqutsisussaaq toqqassavaat.

Inummut tunngatillugu paasissutissanik suliarinninnerit

[Aggersarneqartumut tunngatillugu inummut tunngatillugu paasissutissat
atorneqartarneri pillugit ilisimatitsineq Kalaallit Nunaata aamma Danmarkip
akornanni oqaluttuarisaanikkut qulaajaasoqarnissaanut ilisimatuut pisortaatut
siunnersuutigineqartoq](#) akuersissummi ima allassimavoq "Kalaallit Nunaata
aamma Danmarkip akornanni oqaluttuarisaanikkut qulaajaasoqarnissaanut
tunngatillugu inuttut paasissutissat suliarineqarneri", piukkussamut
inassuteqarnissamut immersugassaaq SurveyXact aqqutigalugu
pissarsiarineqarsinnaasoq.

Paasissutissat annertunerusut

Qinnuteqaateqartussatut piukkussatut siunnersuutini nassiussiusiffissaapput Nunatsinni Ilisimatusarnermik Siunnersuisoqatigiinni allatsi Maliina Jensen-imut (+299 361200 / +299 222090, maje@nis.gl) aammalu Danmarks Frie Forskningsfond-mi fuldmægtigi Maria Mortensen (+45 72318180, mmor@ufm.dk) aammalu.

Nunatta Danmarkillu oqaluttuarisaanerani qulaajaanissamut tunngatillugu ilisimatusaqatigiit aqutsisussaannik toqqaanissamut tunngatillugu Ilinniartitaanermut, Kultureqarnermut, Timersornermut Ilageeqarnermullu Naalakkersuisumut apeqqutissaqaraanni kiisalu aaqqissorneqarneranut tunngatillugu immikkut siunnersorti Carl Egede Bøggild attavigineqarsinnaavoq (cegb@nanoq.gl)

Nunatta Danmarkillu oqaluttuarisaaneranni qulaajaanermut tunngatillugu ilisimatusaqatigiit aqutsisussaannik toqqaanissamut tunngatillugu apeqqutissaqaraanni kiisalu aaqqissuunneqarneranut Ilinniartitaanermut ilisimatusarnermullu ministereqarfimmut siunnersortaanermut Max Grundtvig Haug (+45 72318034, mgha@ufm.dk) attaviginnittoqarsinnaavoq.